

# Dapi 555 onns essan nus ils baruns

Andeer: Gieu al liber «rAmurs»

DA GION NUTEGN STGIER/ANR

■ In gieu liber cun tensiun e tuttina cun in empernaivel umor ha venderdi che vegn premiera. Cun il teater «rAmurs» sa regordan quels da la Val Schons a l'onn 1458 nua che la val è sa distanziada dals baruns da «Werdenberg». Preschentà vegn il gieu al liber 9 giadas e quai in il lavuratori da pumpiers ad Andeer. Ina organisaziun fitg activa en la Val Schons è «La Cuminanza culturala Val Schons», cun ses president engaschà *Christian Joos*. Adina puspè segna quella uniun per occurrenz culturalas saja quai exposiziuns d'art, teaters, ubain occurrenz da musica e da chant. Dapi il 2008 ha la cuminanza organisà cun success gia tschintg occurrenz culturalas che han procurà per dapli vita en la Val Schons. Er da preschent duai il gieu al liber «rAmurs» procurar en la val dal Grischun Central per dapli moviment e cunzunt per plaschair e divertiment. Suenter provas pli intensivass sa legran ussa las 30 acturas ed acturs sin lur gronda preschentaziun che vegn segir er a confirmar che teater sa en tuttas modas e manieras er esser divertent sche «amateurs» stattan sin tribuna. Almain tar las provas han ins vesì ch'ils laics e quai dals uffants tar ils acturs pli sin ils onns èn tuts engaschads e quai cun corp ed olma. Ultra da quai han acturas ed acturs



René Schnoz, l'actor sursilvan gioga sco er l'actura dad Andeer, Anita Iselin la rolla principala en il gieu al liber «rAmurs».

MAD

er occasiun da profitar da *René Schnoz*, l'actor principal e dad *Anita Iselin*, l'actura principala en il gieu al liber «rAmurs». In um ed ina dunna cun gronda experientscha da tribuna e quai betg mo sin

champ naziunal, mabain er sin champ internaziunal.

## Bunamain 30 musicants e chantadurs

Mess en pled il gieu al liber ha Silvio Hu-

onder e sia dunna *Menga Huonder-Jenny* segna per la reschia e per l'inscenaziun. Per il vestgì cantic e musical e damain per ina part impurtanta dal teater en il lavuratori da pumpiers ad Andeer è re-

sponsabel cun Curò Mani, in um che conuscha fitg bain las forzas dals chantadurs e da las chantaduras sco er dals musicants e da las musicantas da la Val Schons. El hà mess en notas melodias tradiziunalas fin tar il «rap» tudestg-rumantsch. Tut en tut èn en acziun bunamain 30 chantadurs e musicants, che dattan al gieu al liber dapli calur e cunzunt er il dretg tun tar las «rAmurs». Tar ramurs vegnì natiralmain er sin tribuna cun betg esser tuts da l'oppiniun dal scollast «Leomichel» (*René Schnoz*) che vul organisar la festa da libertad da la Val Schons tenor sia versiun. L'attractiva scolasta da lavur «Annamelodia» (*Anita Iselin*) ha tut auters plans cun sia gruppa da teater da laics e procura cun quella per intginas intrigas e dispitas sin tribuna. Dapli lain nus dentant betg tradir cun la speranza ch'in grond public sustegna acturas ed acturs cun esser da la partida, sche l'entira populaziun da la Val Schons fa festa sin la libertad. Fatg vegn quai cun in gieu al liber, nua che tuts quels da la Val Schons èn dapi 555 onns ils baruns e betg quels da «Werdenberg».

**Ils datums da preschentaziun èn ils suandants, 2, 9, 16 d'avust a las 19.30, ils 3, 10, 17 d'avust a las 19.30, ils 4 e 18 d'avust a las 15.00 ed ils 11 d'avust a las 19.30. Reservaziuns per telefon: 081 650 90 30. Entrada 30 francs per creschids e 20 francs per uffants.**